

Inscipcion ta habri desde awe pa Festival Bernadina Growell cu lo tuma lugar dia 2 di juli venidero den Centro di Bario Brazil

DURANTE un conferencia di prensa na Paseo Herencia, Fundacion Bernadina Growell a anuncia nan di 6 festival di canto dedica na Mama di Cultura Bernadina Growell-Kock y e aña aki tambe na tata di Cultura, sr. Padu Lampe.

E festival lo lo tuma lugar dia 2 di juli venidero den Centro di Bario Brazil. Mervin Wyatt-Ras, e presidente di fundacion, a hiba palabra den nomber di su coleganan presente y a gradici na prome lugar tur esnan cu a participa na Parada Cultural riba Boulevardi di 16 di april ultimo y esnan cu tabata presente y a participa na e bunita show cultural cu a acompaña desvelo di e relieve di Bernadina rib'e mesun dia.

El a gradici alaves sr. Chico Harms di Centro di Bario Brazil, sra. Candy di Paseo Herencia y sr. John Freddy Montoya representando Departamento di Cultura, pa nan cooperacion cu e evento grandi y bunita.

Pa loke ta trata e Festival esaki lo ta pa recauda fondo pa sigui haci trabounan y lo diferente criterionan. E cancionnan mester ta tipico na Papiamentu.

E ritmo por ta wals, danza, mazurka, tumba.

E compositor mester ta local y lo kier stimula cu ta bin propio composicion. Trahe di e cantante y di e musiconan mester ta cultural. E categoria di participantenan ta 8-12 infantil, 13-18 hubenil 19 y



mas grandi adulto.

Por bisa cu prome cu a habri inscripcion ya caba 3 grupo a notifica cu nan lo bay t'ey. Esakinan ta Agrupacion Amicales, Tipico Pegasaya, y tipico Cadushi Largo. Inscipcion por via miembronan Lena y Persey na cel. 5651145 y 7336007.

Ademas di Wyatt-Ras, sr. Chico Harms a duna splicacion di tur actividad cu lo tuma lugar de

periodo despues di e festival y cu lo stimula cu e cancion cu gana den e festival lo wordo toca den parada cultural.

Chico a anuncia tambe cu e biaha aki lo papia di weekend di parada cultural unda cu den september lo tin banda di e parada tambe un parada di lampi tambe den bario di Brazil y vecindario.

Alaves en bista con grandi e parada di lampi riba Boulevard a bira lo continua cu esaki. Chico alaves a

gradici un y tur cu a haci e parada di lampi grandi y bunita.

Sra. Bertha Willems, ganadora di un di e festivalnan y trahe mas bunita tipico, a trece su propio experiencia padilanti con bon e ta pasa ora di training y festivalnan cu otro participantenan y p'e ta un goso pa participa.

E tabata mas bien cantante di ranchera y awendia e ta canta cancionnan tipico, en especial di Bernadina.